

BONO ANNADO

La chourmo di redatour de *Prouvènço d'aro* vous souvèton tout plen de bonur pèr lou bèl an 2019.



Prouvènço d'aro

Tóuti li mes, lou journau de la Prouvènço d'aro

Janvié de 2019

n° 350

2,10 €

La mort di Crècho

La fusihado à Marsiho es de tradicioun, adounc perqué se n'en priva pèr tira sus li crècho qu'éli soun pas jamai estado de tradicioun à Marsiho, que! Pardine, es la Federacioun despartamentalo de la libropensado e l'Ousservatòri de la laïceta de Prouvènço que soun ana se plagne davans lou Tribunau amenistratièu de Marsiho. Fan de chichourlo! i'avié de santoun dins lis ous-tau coumunau de quartié de la vilo, 2nd e 3^{en} arroundimen emai 13^{en} e 14^{en}. Acò passo l'osco! Bono Maire, à Marsiho, acò a pas un caratère culturau. Adounc li nouvèu justicié an fa desquilha aquéli crècho, dangeirouso pèr lou pople marsihés.

Li fièr Marsihés beisson li braio, es pas coume d'ou tème de Frederi Mistral, li fièr Maianen que bravavon lis ordre d'ou Prefèt de Marsiho, coume lou racountavo, Leoupold Bavarel, lou brave curat felibre d'ou quartié Santo-Ano de Marsiho dins soun Eloge pronouncia à Marsiho à la glèiso Sant-Vincens de Pau emé à la glèiso di Carme, lou bèl an de Diéu 1930:

"Maiano sauva pèr miracle d'ou colera, t'outi lis, an, pèr si carriero, clamo sa recouneis-sènço à sa granda Nosto-Damo-de-Gràci!"

...
À Maiano se saup, la devoucioun soubeirano de soun Pouèto pèr sa granda Santo, Nosto-Damo de Gràci, que sus t'outi l'emporto — Li bon Maianen gardon remembranço de la letro pertoucanto d'ou grand Mistral, quand lou Prefèt de Marsiho emé la forço armado vau empacha la proucessioun tant pieta-dousso d'ou vot d'ou colera! que li fièr Maianen contro tout la faran, e que sèmpre la faran!"

Quau afrounta l'autourita judiciàri, à l'ouro d'aro, pèr leissa passa li Rèi Mage dins li liò publi de Marsiho? La lèi es la lèi, li crècho insalubro dins lis oustau coumunau menaçon la segureta.

E coume disié Mistral: *"li pople abastardi chaupinon si crèire"*.

Mai ousamen es pas d'en pertout parié, d'autri coumuno d'ou despartamen fan targo, bono-di sis esplico d'ou coustat festièu, culturau, artistique de la crècho de nouvè... e gramaci à la resistènci de si conse, li coumuno de Saloun-de-Prouvènço, Castèu-Nòu-lou-Martegue, Carri-lou-Rouet e Berro-l'Estang an pouscu garda sa crècho. Es pas bello la vido à Marsiho!

Gerard Lybien

Zóu mai, l'abatage di Santoun



De sòu nòu à Niço

En esperant la mounedo prouvençalo, fai mestié, aro, de presenta de nouvèu picaïoun que fan flòri, li Nissart. Es de bihet emé l'efigie de persounage celèbre de Niço.

La parita es 1 Nissart = 1 Eurò. 9000 d'aquéli bihet soun esta mes en circulacioun despièi mai d'un an. Li bihet de 1 Nissart estalouiron l'aiglo de Niço.

Li de 2 Nissart porton uno rato-penado. Li bihet de 3 Nissart an d'un coustat lou retra de Francés Gag e de l'autre lou group foulclouri *Nissa la Bella*.

Li de 5 Nissart afichon Rosalinde Rancher, l'escrivan.

Mai t'outi gardon la memo bando à gaucho emé lou blasoun de l'aiglo de Niço en la mencioun "Republica de Nissa",



emé en dessous la Crous òcitanò en blasoun emé lou titre "Republica federala Occitana".

Li boutigo ounte aquéli sòu podon èstre presenta an empega sus sa veirino un ventau de bihet emé l'avis: "Aqui si paga en nissarts".

Bèn segur li bihet mes en service enju-qu'au 31 de desèmbre 2018, an soun usage renouvèla aquest an 2019, noutamen emé l'arrivado de nouvèu coupoun coume lou bihet de 7 Nissart tira à l'oucasïoun di 630 an de la dedicioun de Niço à la Savoio, emé lou bèl image d'Amediéu VII de Savoio.

Li 19 coumerçant qu'an signa la Charto acèton aquelo mounedo nissarto.

P. A.

Pèire Pessemesse

Un di mai grands escrivan de l'ouro d'aro vèn de nous quita...

Pajo 5

Li grand routo jaunejon

N'en vesèn de t'outi li cou-lour, mai, lou jaune, noste pastagas, aro l'usis pas tant.

Pajo 2

Lis Isclo de Lerin en pouèsio

Reinié Raybaud, noste emi-nènt pouèto nous counvido dins sa bello proumenado.

Pajo 9